



Langanesbyggð

Reglur um inntöku barna í leikskóla Langanesbyggðar

1. Lögheimili barna

Skilyrði fyrir leikskóladvöl barns er lögheimili í Langanesbyggð/Svalbarðshrepp og er farið eftir búsetu forráðamanna samkvæmt þjóðskrá. Foreldrar sem hyggjast flytja í Langanesbyggð geta sótt um leikskóladvöl en barn getur aðeins fengið úthlutað leikskóladvöl þegar lögheimili hefur verið flutt.

2. Umsóknir um leikskólavist

Sótt er um leikskóladvöl hjá leikskólastjóra. Sækja má um leikskólavist allt árið en miðað er við að umsóknir um skólavist að hausti þurfi að berast fyrir 1. júní fyrir vistun sem hefst í byrjun ágúst og 1. nóvember vegna barna sem hefja vistun í byrjun janúar.

Þeir sem sækja um leikskólavist eftir tilgreinda umsóknarfresti geta ekki vænst þess að fá leikskólapláss fyrir en við næst þegar börn eru tekin í leikskólann. Þetta á jafnt við um forgangshópa sem og aðra. Umsóknir raðast á biðlista eftir kennitölum barna, þau elstu fyrst. Umsóknareyðublöð er hægt að nálgast á heimasíðu Barnabóls:

<http://www.leikskolinn.is/thorshofn/>

3. Ákvörðun um inntöku í leikskólann

Miðað er við að taka inn börn við 16 mánaðar aldur. Börn fá leikskólavist að jafnaði á tímabilinu júní til september og í janúar til febrúar. Öllum umsóknum er svarað og óskað eftir staðfestingu innan 7 daga. Hafni forráðamenn leikskólaplássis færast umsóknin aftast á biðlista.

4. Úthlutun leikskóladvalar

Kennitala barns ræður því að öllu jöfnu hvenær barn fær úthlutað leikskóladvöl. Hægt er að óska eftir forgangi vegna:

Barna með sérþarfir

o Greining þarf að vera fyrirliggjandi frá viðurkenndum greiningaraðilum s.s. greiningar- og ráðgjafarstöð ríkisins, sálfræðingum og barnalæknum.

Barna sem búa við erfiðar félagslegar aðstæður samkvæmt mati

Félagsþjónustu Norðurþings og/eða lækna.

Nefnd skipuð þremur fulltrúum, einum frá fræðslunefnd, einum frá Félagsþjónustu Norðurþings og einum frá viðkomandi leikskóla, metur beiðnir um forgang sem berast.

5. Uppsagnarfrestur

Gagnkvæmur uppsagnarfrestur er einn mánuður og miðast við fyrsta eða fimmtánda dag hvers mánaðar. Uppsögn þarf að berast með skriflegum hætti til leikskólastjóra. Skuldi foreldrar þrjá mánuði er barninu sagt upp leikskóladvöl.

6. Dvalartími

Opnunartími leikskólana í Langanesbyggð er samkvæmt ákvörðun sveitarfélagsins hverju sinni. Hægt er að sækja um breytingar á dvalartíma og skal ósk þar um berast til leikskólastjóra fyrir 15. hvers mánaðar. Þegar unnt er að verða við breytingu tilkynnir leikskólastjóri forráðamönnum það eins fljótt og auðið er. Breytingar miðast við 1. eða 15. hvers mánaðar og skulu gilda eigi skemur en þrjá mánuði. Ef barn er veikt samfelld í 4 vikur eða lengur er fæðiskostnaður felldur niður gegn framvísun læknavottorðs. Barn í leikskóla skal taka minnst 4 vikna samfelld sumarleyfi ár hvert og eru leikskólagjöld því greidd í 11 mánuði á ári.

Mælst er til að hámarks dvalartími barns í leikskóla sé 8 klukkustundir á dag.

Dvalarsamningur skal gerður fyrir hvert barn þegar það hefur leikskólagöngu.

7. Dvalargjald

Gjald fyrir leikskóladvöl barna er í samræmi við gildandi gjaldskrá hverju sinni. Heimilt er að fella niður fæðisgjald sé barn fjarverandi í 1 viku eða lengur sé það tilkynnt leikskólanum með 1 vikna fyrirvara.

Heimilt er að innheimta kortersgjald sé barn sótt of seint oft en 3 sinnum í sama mánuðinum.

Samþykkt af sveitarstjórn Langanesbyggðar